

■ GLOSSA

Eveline Maria Stuart

DA SILVIO CAMENISCH

È ella l'Eveline Maria Stuart, sun jau la Christoph Elisabeth I. en questa tragedia da reginas. Nus avain nus occupain las rollas dominantas, il rest da l'ensemble ha perquai tuttina rollas, sch'era betg dominantas, rollas da closet, èn almain uschè impurtantas per il gartegiar da l'entir. Rollas èn rollas. Pir sper las pitschnas èn las grondas grondas, pir sper il pitschen è il grond grond, vesais Vus quai auter? Er betg. En quest drama uschè vegl sco classic, uschè classic sco vegl vai per la blutta schigliusia per la pussanza, di noss intendant vers teleRTR. Sche quel di quai, sche quel vul quai, fashain nus quai, Eveline. Betg buna luna oz?

Na, nus ans mussain betg trasor bluttas, er ma betg trasor, sin la tribuna da pussanza al Burghoftheater chasa federala. Noss bellischems costums da reginas/imperaturas en la lutga per la blutta pussanza purtain nus avant, quels lain quels stuain nus pir stgarpar si l'ina a l'autra, fashain nus gugent, stgarpar si il tgil l'ina a l'autra! Il public vul spass, insatge auter na vul el betg per ses raps (sectur A = 90 francs). A la premiera han noss auts giastss, noss Ospels, da l'economia, clerus, cultura er sport d'elita entrada gratuita! Quels han er merità, nus l'uschenumnà pievel, das Volk, das Vouch... liebi Manne und Froue n'avain betg merità.



Betg merità? Betg merità. Sistem vegl democratic sa cumprovà ed er vinavant cun la dretga glied al dretg lieu.

Ella ha commess betg mo Ebasstradiment, na, autradiment, e bel da gugent per la blutta pussanza, dasper duai l'unica pussanza esser dada a mai a semper!, ditg autramain, jau vi avair garantì ella a semper, e schai quai a la schurnalaglia sanestra! Quella curnaglia sbragia schon ussa da maltgiert sco sch'i curriss sang il proxim mument, anc avain nus betg la notg dals cuntels lungs. Die Nacht der langen Messer. La pussanza e la gloria e vanagloria en perpeten amen vi jau per mai per mai per mai! Quella na vi jau bain betg avair partì/partida cun novas partidas wischiwaschi (pww) dal nov ferm center!

Mes frar vegl Gerhard, el Mè vegl reverenda evangelic ed anc total illuminà si qua, nus n'essan betg pli, illuminads, di ch'i fashia er cun simpel cunté da satg tar la scena dal mazzament da la traditura. Ina cuntellada ma camerata! tranter las costas

gia dator en la Wandelhalle na vesa nagin, vesessan las cameras sanestras er scheiss-egal, pudessas adina t'exculpar cun risadas betg atipicas per nus umens Blocher e figlias successivas, silmain uschè massivas sco nus umens. Il riez beffegiant, das Hohngelächter, è cult, el vegn cultivà en noss manaschi da famiglia e si en il chastè.

Nus essan adina stads interpretider, Unternehmer, er en noss uffizi da cuss. fed. elegì giu. Mes frar vegl, el è vegl reverenda evangelic anc adina fitg illuminà si qua, guarda giu en las officinas da cuntellaria che noss'armada dal sulegl haja avunda buns cuntels da satg per la notg dals cuntels lungs, u che nus producin vitiers, qua or en China sch'i fa da basegn, e gliez n'è nagin dubi. I va er cun cuntels da satg producids en China per mazzar la traditura Eveline Maria Stuart, l'Asia n'è gea betg eurozona, lura fissan nus encunter! Il meglier gist qua dator en il smugliun en la Wandelhalle.

È la pussanza, i va per la Pussanza pussanza pussanza, va nagliur per la concordanza, puspè reconquistada cun la pussanza (mazzament da regina Eveline Maria Stuart!) ed uschia la baselgia puspè en ses lieu lain nus dain nus la pasch. Nus demussain respect envers la selvaschina, la regina. In daschin da pign u da sember er egal en bucca a la sangnanta. So muss es sein.